



Խ.Աբովյանի անվան հայկական պետական  
մանկավարժական համալսարանի հիմնադրամ

## ՀԵՏԱԶՈՏԱԿԱՆ ԱՇԽԱՏԱՆՔ

Թեմա՝ Սաների հայրենաճանաչողության ձևավորման  
կարևորությունը

Կատարող՝ Մասիսի թիվ 1 մսուր-մանկապարտեզ ՀՈԱԿ-Ի  
միջին Ա խմբի դաստիարակ Հերիքնազ Միրզախանյան

ԵՐԵՎԱՆ- 2023

## ԲՈՎԱՆԴԱԿՈՒԹՅՈՒՆ

ՆԵՐԱԾՈՒԹՅՈՒՆ.....3

### ԳԼՈՒԽ 1.

1.1 Հայրենասիրական դաստիարակության նպատակը.....5

1.2 Նախադպրոցականներին հայրենասիրական ոգով դաստիարակելու սկզբունքները.....7

ԳԼՈՒԽ 2. ՀԵՏԱԶՈՏԱԿԱՆ ԱՇԽԱՏԱՆՔ ՈՒՂՂՎԱԾ ՆԱԽԱԴՊՐՈՑԱԿԱՆՆԵՐԻ ՀԱՅՐԵՆԱՃԱՆԱԶՈՂՈՒԹՅԱՆ ՁԵՎԱՎՈՐՄԱՆԸ.....10

ԵԶՐԱԿԱՑՈՒԹՅՈՒՆՆԵՐ.....16

ԳՐԱԿԱՆՈՒԹՅԱՆ ՑԱՆԿ.....17

## ՆԵՐԱԾՈՒԹՅՈՒՆ

**Թեմայի արդիականությունը:** Հայրենաճանաչողությունը սկիզբ է առնում մեր ընտանիքից, բակից, այգուց, դպրոցից, քաղաքից և տարածվում է մինչև մեր հայրենիքի հեռավոր անկյուններ: Նախադպրոցական տարիքի երեխաների հայրենասիրական դաստիարակությունը մանկավարժական նպատակային գործընթաց է, որի նպատակն է ձևավորել երեխաների պատկերացումներն իրենց հայրենիքի մասին, ինչպես նաև զարգացնել նրանց մեջ հայրենասիրության զգացումը: Հայրենասիրության և հայրենիքի հանդեպ սիրո հիմքերը երեխայի մեջ դրվում են ոչ միայն ընտանիքում, այլև մանկապարտեզում: Ն.Ֆ.Անդրեևան հայրենասեր հասկացությունը սահմանել է հետևյալ կերպ. «Լինել հայրենասեր նշանակում է զգալ իրեն հայրենիքի անբաժանելի մասը: Այս բարդ զգացողությունն առաջանում է դեռ նախադպրոցական տարիքում, երբ դրվում են շրջակա աշխարհի նկատմամբ արժեքային վերաբերմունքի հիմքերը, որոնք ձևավորվում են աստիճանաբար: Եվ հետևաբար, արդեն նախադպրոցական մանկության տարիներին մարդուն որպես իր երկրի քաղաքացի դաստիարակելը շատ կարևոր է դառնում»:

Ուստի թեման այսօր առավել քան արդիական է:

**Հետազոտության նպատակն է ուսումնասիրել և վերլուծել նախադպրոցականների հայրենաճանաչողության ձևավորման գործընթացը նախադպրոցական ուսումնական հաստատությունում:**

**Հետազոտության խնդիրներն են.**

1. Ուսումնասիրել և վերլուծել հիմնախնդրի վերաբերյալ մասնագիտական գրականություն:
2. Ներկայացնել հայրենասիրական դաստիարակության նպատակը նախադպրոցական տարիքում:
3. Առաջարկել հայրենաճանաչողության ձևավորմանն ուղղված պարապմունքներ:

Հետազոտության ընթացքում կիրառվել են հետևյալ **մեթոդները՝**

- Մասնագիտական գրականության ուսումնասիրություն և վերլուծություն
- Դիտում
- Զրույց

Հետազոտական աշխատանքը **բաղկացած է** ներածությունից, երկու գլուխներից, եզրակացություններից, գրականության ցանկից, համակարգչային շարվածքով կազմում է 17 էջ:

## ԳԼՈՒԽ 1.

### 1.1 Հայրենասիրական դաստիարակության նպատակը

Հայրենասիրությունը ծագում է լատիներեն «պատրիոտ» բառից» և նշանակում է հայրենիքը սիրող: Հայրենասիրությունը բարոյական բարձր որակ է: Այն սոցիալական դիրքորոշում է, որի հիմնական բաղադրիչը սերն է: Մարդու հայրենասիրությունը հանդես է գալիս և մարմնավորում տվյալ մարդու՝ սանի, դեպի իր հայրենիքն ունեցած սիրո մեջ:

Սերը ոչ միայն հայրենիքի նկատմամբ է, այլ նաև հայրենիքում ապրող ժողովրդի նկատմամբ: Երբ ասում ենք հայրենիք, ապա առաջին հերթին հասկանում ենք հայրենիքում ապրող ժողովուրդը: Եթե հայրենիքում ժողովուրդ չկա, ուրեմն հայրենիք չկա: Առանց հայրենիքի, առանց հարաստ ժողովրդի մարդը լքյալ է: Ցիցերոնն ասում էր՝ «Մեզ համար թանկ են երեխաները, մերձավոր ազգականները, բայց որևէ բանի նկատմամբ սիրո բոլոր պատկերացումները միավորված են մեկ բառի մեջ՝ «Հայրենիք»»:

Մանկապարտեզը, մանկավարժները և ծնողները պարտավոր են ձևավորել երեխաների հայրենասիրական զգացմունքները: Պարտավոր են նրանց մեջ սերմանել հոգատար վերաբերմունք հայրենիքի պատմության, մշակույթի, հայրենիքում ապրող հարազատ ժողովրդի, ազգի ավանդույթների, սովորույթների նկատմամբ: Մեր սերունդների հայրենասիրական զգացմունքների ձևավորման գործում կարևոր դեր կարող են խաղալ մեր պետության խորհրդանիշները՝ գերբը, դջոշը, օրհներգը և զինանշանը:

Հայրենասիրական դաստիարակությունը հայրենիքի հանդեպ սիրո դաստիարակությունն է, նրան նվիրվածությունը նրա հանդեպ պատասխանատվությունը: Նախադպրոցական տարիքի երեխաների հայրենասիրական դաստիարակության խնդիրները բավականին շատ են: Հիմնականում երեխաները սովորում են սիրո զգացում իր հայրենի բնության,

ընտանիքի և տան համար, ինչպես նաև ուղղակիորեն այն երկրի պատմությունն ու մշակույթին որտեղ նրանք ապրում են: Ցանկացած աճող սերնդի հայրենասիրական դաստիարակությունը պետք է սկսվի իր հայրենի քաղաքի, բակի, մանկապարտեզի, երկրի նկատմամբ սիրո դաստիարակությամբ: Հայրենասիրություն սերմանելու գործընթացը գաղափարական աշխատանքի անբաժանելի մասն է ու հիմնական խնդիրներից մեկը: Դաստիարակի և ծնողի խնդիրն է երեխաների մեջ հնավատրինս արթնացնել սերը հայրենի հողի նկատմամբ: Նրանց մեջ ձևավորել այնպիսի բնավորության գծեր, որոնք կօգնեն նրանց դառնալ արժանավոր մարդ և իրենց երկրին արժանի քաղաքացի:

Նախադպրոցական տարիքի երեխաների ծանոթությունը հայրենի քաղաքի, տարածաշրջանի հետ երկար և բարդ գործընթաց է: Դրական արդյունքի կարելի է հասնել միայն համակարգված աշխատանքով: Երեխաներին պետք է սովորացնել սիրել իրենց քաղաքը հասկացնել որ իրենց քաղաքը հայրենիքի մի մասն է: Հայրենասիրական դաստիարակության համար նախադպրոցական ուսումնական հաստատությունները օգտագործում են աշխատանքի տարբեր մեթոդներ և ձևեր: Այդ նպատակով արդյունավետ և հետաքրքիր աշխատանքներում ներառվում են զբոսանքներ, էքսկուրսիաներ, դիտումներ, դիտարկումներ, բացահայտումներ որոնք ավելի կմոտիվացնեն երեխաներին սյուն թեմայի ընկալմանը և յուրացմանը: Հայրենասիրական զգացմունքների ձևավորումն ավելի արդյունավետ է, եթե մանկապարտեզը սերտ կապ հաստատի ընտանիքի հետ: Ընտանիքի հետ աշխատանքում մանկապարտեզը պետք է ապավինի ծնողներին որպես երեխայի անհատականության ձևավորման իրավահավասար մասնակիցներ: Հայրենաճանաչողության դաստիարակության նպատակն է կրթել հայրենասեր, ով սիրում է իր հայրենիքը, հավատարիմ է հայրենիքին:

Հայրենաճանաչողության իմացությունն առավելագույնս հնարավորություն է տալիս իրականացնելու մեր իղձերը, ձևավորելու ու պահպանելու հայի կեցվածքը: Հայրենաճանաչողությունը բովանդակում է դաստիարակչական վիթխարի ներուժ, հայրենասիրություն և ազգային արժանապատիվ գոյություն:

Նախադպրոցական կրթության զենքը և գլխավոր իմաստը պետք է դառնա սաների հայրենաճանաչողության ձևավորման կարևորությունը: Հայրենաճանաչողության նշանակությունը առաջին հերթին նպատակաուղղված է սաների գիտելիքների, պատմական ուղու, նրանց սոցիալական, հոգևոր և բարոյական փորձի վերաբերյալ գիտելիքներ հաղորդելուն, պատմական ժամանակաշրջանի վերաբերյալ որոշակի պատկերացումներ ձևավորելուն: Երեխայի արժեքայի համակարգի ձևավորումը ժամանակակից կրթության գերխնդիրն է և մշտապես պետք է լինի մանկավարժների ուշադրության կենտրոնում:

## **1.2 Նախադպրոցականներին հայրենասիրական ոգով դաստիարակելու սկզբունքները**

Նախադպրոցական տարիքում հայրենասիրական դաստիարակության բաղադրիչներն են.

- ✓ Նպաստել ընտանիքի, ծնողների և հարազատների հանդեպ սիրո և հարգանքի ձևավորմանը:
- ✓ Նպաստել բնության հանդեպ սիրո, հոգատար և խնայողական վերաբերմունքի ձևավորմանը:
- ✓ Ձևավորել հայրենիքի ավանդույթների նկատմամբ հարգանք:
- ✓ Ձևավորել հարգանք մեծերի աշխատանքի նկատմամբ:
- ✓ Տալ պատկերացումներ բանակի և դրա կարևորության մասին:

Հայրենաճանաչողության դաստիարակությունը դաստիարակների և սաների միջև գործընթաց է, որն ուղղված է հայրենասիրական զգացմունքների զարգացմանը: Սրա նպատակն է կրթել համոզված հայրենասեր, ով սիրում է իր հայրենիքը, հավատարիմ է հայրենիքին, պատրաստ է ծառայել և պաշտպանել հայրենիքը: Երեխաների հայրենաճանաչողության դաստիարակությունը նախադպրոցական ուսումնական հաստատության հիմնական խնդիրներից է: Այս ուղղությամբ գոյություն ունի մեթոդաբանական գրականություն: Դրա հիման վրա

կրթական աշխատանքի այս ուղղությամբ կարելի է առանձնացնել առաջադրանքների մի ամբողջ համալիրը:

- Երեխայի սերը բարձրացնել իր ընտանիքի, տան, մանկապարտեզի, քաղաքի կամ գյուղի, փողոցի նկատմամբ:
- Երեխաների իմացություն իր արմատների մասին:
- Երեխաների ծանոթացում քաղաքի պատմությանը և ենթակառույցներին:
- Երեխաների ծանոթացում պետության խորհրդանիշներին դրոշ, զինանշան, օրհներգ:
- Այցելելություններ դեպի հայրենի մշակութային վայրերը՝ հուշարձաններ, թանգարաններ:

Մի շարք աշխատանքներ դեռևս կարելի է նշել: Այս խնդիրները լուծվում են երեխաների գործունեության բոլոր տեսակներում խմբասենյակում, խաղերում, առօրյա կյանքում: Երեխայի հայրենաճանաչողության դաստիարակությունը մանկավարժական բարդ գործընթաց է: Այն հիմնված է հայրենասիրության՝ որպես անհատական որակի ձևավորման վրա: Յուրաքանչյուր տարիքային փուլում հայրենաճանաչողություն և հայրենասիրական դաստիարակության դրսևորումներն ունեն իրենց առանձնահատկությունները: Ավագ նախադպրոցական տարիքի երեխաների մոտ հայրենասիրությունը սերմանելու նպատակն է ձևավորել նրանց բարի գործեր և արարքներ կատարելու անհրաժեշտություն:

Երեխաների հայրենաճանաչողություն ասելով հասկանում ենք մեծահասակի և երեխաների փոխգործակցությունը համատեղ գործունեության և հաղորդակցության մեջ, որն ուղղված է երեխայի մեջ մարդու համընդհանուր բարոյական որակների բացահայտմանն ու ձևավորմանը: Դաստիարակի աշխարհայացքը, նրա անձնական օրինակը, դաստիարակությունները, ակտիվ կյանքի դիրքը դաստիարակության ամենաարդյունավետ գործոններն են: Եթե ուզում ենք, որ մեր երեխաները սիրեն իրենց երկիրը, իրենց քաղաքը պետք է նրանց ցույց տանք գրավիչ կողմից: Բայց չափահասի ոչ մի գիտելիք արդյունք չի տա, եթե նա ինքը չի



սիրում իր երկիրը, իր քաղաքը, իր ժողովրդին: Երեխայի հայրենաճանաչողությունն ու հայրենիքի հանդեպ սիրո զգացումը սկսվում է ամենամոտ մարդկանց՝ հոր, մոր, տատիկի, պապիկի հանդեպ սիրուց: Եվ տունը, բակը, որտեղ նա մեկից ավելի քայլել է, տեսարանը բնակարանների և մանկապարտեզի պատուհաններից, որտեղ նա ուրախություն է ստանում իր հասակակիցների հետ շփվելուց, և իր հայրենի բնությունը՝ այս ամենը Հայրենիք է:

**ԳԼՈՒԽ 2. ՀԵՏԱԶՈՏԱԿԱՆ ԱՇԽԱՏԱՆՔ ՈՒՂՂՎԱԾ ՆԱԽԱԴՊՐՈՑԱԿԱՆՆԵՐԻ  
ՀԱՅՐԵՆԱՃԱՆԱԶՈՂՈՒԹՅԱՆ ՁԵՎԱՎՈՐՄԱՆԸ**

Հետազոտական աշխատանքի գործնական մասն անցկացրել եմ Մասիսի թիվ 1 ՀՈԱԿ մտուր-մանկապարտեզում: Նախադպրոցականների հայրենաճանաչողության ձևավորման նպատակով անցկացրել եմ պարպմունքներ, որոնցից մի քանիսը ներկայացնում եմ ստորև:

**ՊԱՐԱՊՄՈՒՆՔ ՄԻՋԻՆ Ա ԽՄԲՈՒՄ**

**Թեմա՝ «Իմ քաղաքամայր Երևանը»**

Տեսակը՝ զրույց

Խնդիրները

- Երեխաններին ծանոթացնել Հայաստանի քաղաքամայր Երևանին ներառեսարժան վայրերին:
- Ծանոթացնել մեր երկրի պետական խորհրդանիշներին:
- Ձևավորել երեխանների կապակցված խոսքը, տրված հարցերին հստակ պատասխանելու, գոյականները, ածականները, խոսքում ճիշտ գործածելու կարողությունները:
- Բառապաշարի հարստացման զինանշան, օրհներգ, դրոշ, քաղաքամայր, կառավարական տուն, թանգարան շատրվաններ, պատկերասրահ բառերով:
- Արտահայտիչ արտասանություն, ոտանավորի ուսուցում

Անհրաժեշտ նյութեր՝ Հայաստանի Հանրապետության դրոշը, օրհներգի ձայնագրությունը, զինանշանը, Երևանի տեսարժան վայրերի նկարներ:

Պարապմունքի ընթացքը՝

Դաստիարակ- Յուրաքանչյուր երկրում կան բազմաթիվ մեծ ու փոքր քաղաքներ, սակայն այդ քաղաքներից մեկը երկրի գլխավոր քաղաքը կամ այլ կերպ՝ քաղաքների մայրն է: Այդ քաղաքում է գտնվում երկրի ղեկավարի, Հայաստանի

Հանրապետության նախագահի նստավայրը: Այդ քաղաքում են գտնվում կարևոր շինություններ, գեղեցիկ, վարդագույն տուֆակերտ շենքեր, հրապարակներ, պուրակներ, հուշարձաններ, թանգարաններ ու պողոտաներ:

Այդ քաղաքը կոչվում է Երևան

- Ո՞րն է Հայաստանի Հանրապետության մայրաքաղաքը:
- Երեխաններ- Հայաստանի Հանրապետության մայրաքաղաքը Երևանն է:
- Դաստիարակն արտասանում է:

### Երևան

Իմ վարդագույն գեղեցկուհի,

Կանաչապատ ամրոց, այգի

Քաղաք իմ նոր հնամենի.

Արևոտ իմ օթևան,

Քաղաքամայր Երևան,

Քո շենքրով բազմահարկ,

Ու ջրերով սառնորակ,

Հյուրընկալ ես անչափ շատ:

Հ. Միտոյան

Զրույցի շարունակությունը: Զրույցին զուգահեռ ցուցադրվում է Երևանի տեսարժան վայրերի պատկերներ, նկարների շարք:

- Երևանը Հայաստանի մայրաքաղաքն է: Քաղաքի կենտրոնում՝ Հանրապետության Հրապարակում է գտնվում Հանրապետության կառավարության շենքը, որի վրա մշտապես ծածանվում է մեր երկրի պետական դրոշը՝ եռագույնը:



Դաստիարակ- Սա մեր պետական դրոշն է, եռագույնը՝ կարմիր, կապույտ, ծիրանագույն:

Կարմիրը՝ արևի, կակաչի, արյան, ուրախության, հաղթանակի գույնն է:

Կապույտը՝ գետերի, լճերի, երկնքի, զանգակաձաղկի գույնն է:

Ծիրանագույնը՝ ցորենի հասկի, ոսկե դաշտերի, ծիրանի գույնն է: Բոլոր հանդիսավոր արարողություններին բարձրացնում են հայոց դրոշը, իսկ տոնակատարություններին դրոշներով զարդարում հրապարակները, փողոցներն ու պողոտաները:

Երկրորդ խորհրդանիշը Հայաստանի զինանշանն է, որի վրա պատկերված են արծիվն ու առյուծը, որոնց գլուխները նայում են տարբեր կողմեր: Այդ կենդանիներն առանձնանում են իրենց ուժով, խելքով, գեղեցկությամբ և խորհրդանշում են ուժ, հզորություն, աշխատանք և գեղեցկություն:



Երրորդ խորհրդանշանը Հանրապետության օրհներգն է: Դա հատուկ երգ է, որը հնչում է պետական պաշտոնական արարողությունների և հանդիսությունների ժամանակ, և բոլորն այն լսում են ոտքի կանգնած:

Հնչում է ՀՀ օրհներգի ձայնագրությունը :

Դաստիարակ- Երբ տարբեր երկրներում մրցում են մարզիկները հաղթողի պատվին հնչում է իր երկրի օրհներգը: Օրհներգը լսում են հոտնկայս, լռությամբ:



Դաստիարակը շարունակում է պատմել երեխաններին, որ Երևանն ունի շատ հետաքրքիր տեսարժան վայրեր, վարդագույն շենքեր գեղեցիկ հրապարակներ և

հուշարձաններ, պուրակներ ու պողոտաներ: Երևանում է գտնվում օպերայի շենքը, Մատենադարանը, թանգարաններ ու թատրոններ, պատկերասրահներ, սրճարաններ: Երևանում է գտնվում կենդանաբանական այգին, տիկնիկային թատրոնը, մանկական պատկերասրահը, կրկեսը: Երևանը աշխարհի հնագույն քաղաքներից է, որն ունի իր պատմությունը: Դիտեցինք Էրեբունի ամրոցի Կայարանամերձ հրապարակի ու Սասունցի Դավթի հաղթական հուշարձանի նկարները:



Երևանը որքան հին է, այնքան էլ նոր: Օրեցոր նոր, ժամանակակից շենքեր են կառուցվում, որ հիացնում են ոչ միայն մեզ այլև զբոսաշրջիկներին: Նրա ծննդյան տոնն ամեն տարի աշնանը մարդիկ նշում են մեծ հաղիսավորությամբ: Երևանը սիրված, հարազատ քաղաք է յուրաքանչյուր հայի համար և նրանով հպարտանում են բոլորը:

Հարցազրույց՝ Երևանի մասին:

- Ինչպիսի՞ն է Երևանը:
- Ո՞ր հրապարակն է գտնվում քաղաքի կենտրոնում:
- Որո՞նք են հանրապետության թվով երեք խորհրդանիշները:

- Ինչպիսի՞ տեսարժան վայրեր ունի Երևանը:

- Ի՞նչ պետք է անել, որ Երևանը մաքուր քաղաք լինի:

Դաստիարակ- նկարել քաղաքամայր Երևանը:

## ԵԶՐԱԿԱՑՈՒԹՅՈՒՆՆԵՐ

Այսպիսով, ուսումնասիրելով խնդրին առնչվող մասնագիտական գրականությունը և հենվելով իրականացված հետազոտության վրա՝ կարող եմ եզրակացնել, որ

- Հայրենասիրական դաստիարակությունը հայրենիքի հանդեպ սիրո դաստիարակությունն է, նրան նվիրվածությունը, նրա հանդեպ պատասխանատվությունը: Ցանկացած աճող սերնդի հայրենասիրական դաստիարակությունը պետք է սկսվի իր հայրենի քաղաքի, բակի, մանկապարտեզի, երկրի նկատմամբ սիրո դաստիարակությամբ: Հայրենասիրական դաստիարակության համար նախադպրոցական ուսումնական հաստատությունները օգտագործում են աշխատանքի տարբեր մեթոդներ և ձևեր: Այդ նպատակով արդյունավետ և հետաքրքիր աշխատանքներում ներառվում են զբոսանքներ, էքսկուրսիաներ, դիտումներ, դիտարկումներ: Հայրենաճանաչողության դաստիարակության նպատակն է կրթել հայրենասեր, ով սիրում է իր հայրենիքը, հավատարիմ է հայրենիքին: Հայրենաճանաչողությունը բովանդակում է դաստիարակչական վիթխարի ներուժ, հայրենասիրություն և ազգային արժանապատիվ գոյություն: Հայրենաճանաչողության նշանակությունը առաջին հերթին նպատակաուղղված է սաների գիտելիքների, պատմական ուղու, նրանց սոցիալական, հոգևոր և բարոյական փորձի վերաբերյալ գիտելիքներ հաղորդելուն, պատմական ժամանակաշրջանի վերաբերյալ որոշակի պատկերացումներ ձևավորելուն:
- Նախադպրոցական տարիքում հայրենասիրական դաստիարակության նպատակն է ձևավորել հայրենիքի ավանդույթների, մեծերի աշխատանքի նկատմամբ հարգանք, նպաստել ընտանիքի, ծնողների և հարազատների հանդեպ սիրո և հարգանքի ձևավորմանը, բնության հանդեպ հոգատար և խնայողական վերաբերմունքի ձևավորմանը, տալ պատկերացումներ բանակի և դրա կարևորության մասին:
-



## ԳՐԱԿԱՆՈՒԹՅԱՆ ՑԱՆԿ

1. Յու. Ա. Ամիրջանյան, Ա. Ս. Սահակյան; Մանկավարժություն (ուսումնական ձեռնարկ), Մանկավարժ 2005
2. Козлова, С. А. Дошкольная педагогика: учеб.пособие для студ. сред. пед. учеб. заведений. — 15-е изд., исправ. и доп./ С. А. Куликова, Т. А. Куликова. — М.: Издательский центр Академия, 2015. — 432с.
3. Агапова Д. Ю. Патриотическое воспитание дошкольников в условиях дошкольных образовательных организаций.
4. Васильева. Патриотическое воспитание детей старшего дошкольного возраста <https://www.maam.ru/detskijasad/opyt-raboty-po-teme-patrioticheskoe-vozpitanie-detei-starshego-doshkolnogo-vozrasta.html>